



UNIVERZITET U SARAJEVU  
FILOZOFSKI FAKULTET  
**Vijeće Fakulteta**  
Broj: 02-01/36  
Sarajevo, 22. 1. 2021. godine.

Na osnovu člana 135. Zakona o visokom obrazovanju ("Službene novine Kantona Sarajevo", broj: 33/17.), člana 104. Statuta Univerziteta u Sarajevu, broj: 01-1093-3-1/18 od 28. 11. 2018. godine, Vijeće Fakulteta na 38. elektronskoj sjednici održanoj 22. 1. 2021. godine, *donijelo je*

## **ODLUKU**

### **I**

Usvaja se **IZVOD IZ ZAPISNIKA SA 37. ELEKTRONSKE (REDOVNE) SJEDNICE VIJEĆA FILOZOFSKOG FAKULTETA UNIVERZITETA U SARAJEVU ODRŽANE 11. 1. 2021. GODINE.**

### **II**

**IZVOD IZ ZAPISNIKA SA 37. ELEKTRONSKE (REDOVNE) SJEDNICE VIJEĆA FILOZOFSKOG FAKULTETA UNIVERZITETA U SARAJEVU ODRŽANE 11. 1. 2021. GODINE** iz stava I. ove odluke sastavni je dio ove odluke.

DEKAN FAKULTETA

  
Prof. dr. Muhamed Dželilović

DOSTAVITI:

1. Uz zapisnik

2. Arhiva

UNIVERZITET U SARAJEVU  
FILOZOFSKI FAKULTET  
**Vijeće Fakulteta**  
Broj: 02-01/37  
Sarajevo, 22. 1. 2021. godine.

Na osnovu člana 135. stav 3. alineja t) Zakona o visokom obrazovanju ("Službene novine Kantona Sarajevo", broj: 33/17.), člana 104. Statuta Univerziteta u Sarajevu, broj: 01-1093-3-1/18 od 28. 11. 2018. godine, i mišljenja sekretara Fakulteta, broj: 03-02/51 od 18. 1. 2021. godine, Vijeće Fakulteta na 38. elektronskoj sjednici održanoj 22. 1. 2021. godine, *donijelo je*

## **ODLUKU**

### **I**

Usvaja se, jednoglasno i bez primjedbi, **GODIŠNJI IZVJEŠTAJ O RADU FILOZOFSKOG FAKULTETA UNIVERZITETA U SARAJEVU ZA 2020. GODINU.**

### **II**

**GODIŠNJI IZVJEŠTAJ O RADU FILOZOFSKOG FAKULTETA UNIVERZITETA U SARAJEVU ZA 2020. GODINU** sastavni je dio ove odluke.


### *Obrazloženje*

Vijeće Filozofskog fakulteta Univerziteta u Sarajevu u skladu sa članom 135. tačka t) razmatra izvještaj o radu sa finansijskim poslovanjem organizacione jedinice, a dekan Fakulteta, u skladu sa članom 136. tačka 10) je obavezan da podnese izvještaj o radu sa izvještajem o finansijskom poslovanju organizacione jedinice za prethodnu godinu.

Slijedeći upute Univerziteta u Sarajevu Fakultet je sačinio prijedlog Izvještaja o radu koji sadrži elemente i informacije o poslovima koji su urađeni u prethodnoj godini, kao i drugim važnim činjenicama i informacijama iz oblasti nastavnonaučnog, naučnoistraživačkog i stručnog rada, na obrascima dostavljenim od strane Univerziteta u Sarajevu.

Predloženi Izvještaj o radu nakon usvajanja dostavit će se Univerzitetu u Sarajevu, a finansijski izvještaj nakon usvajanja istog u rokovima utvrđenim u zakonu.

DEKAN FAKULTETA

  
Prof. dr. Muhamed Dželilović

DOSTAVITI:

1. Univerzitetu u Sarajevu
2. Uz **GODIŠNJI IZVJEŠTAJ O RADU FILOZOFSKOG FAKULTETA UNIVERZITETA U SARAJEVU ZA 2020. GODINU**
3. Uz zapisnik
4. Arhiva

U 2020. godini Fakultet je nastavio realizaciju započetih procesa iz 2019. godine, te okončao ljetni semestar 2019/20. i izvršio upis kandidata na I i II ciklus u skladu sa raspisanim konkursom za 2020/21., te organizovao nastavni proces za tekuću akademsku 2020/21. godinu. Broj upisanih studenata u akademskoj 2020/21. godini je na nivou akademske 2019/20. godine.

Odmah po proglašenju pandemije od strane WHO (11.03.2020. godine) Filozofski fakultet je krenuo u implementaciju LMS - Moodle platforme - BISER.

Do kraja marta 2020. BISER je bio u potpunosti funkcionalan i evidentirali smo oko 1000 korisnika.

Izvršena je edukacija nastavnog osoblja u korištenju BISER-a tako da je nastava iz učionica neprimijetno premještena u *online* okruženje.

U aprilu 2020. BISER, zbog velikog broja korisnika, migriramo na novi server koji je optimiziran za rad sa Moodle platformom i na tom serveru se nalazi i danas.

Početkom studijske 2020/2021. godine Filozofski fakultet je zakupio server sa instaliranom BigBlueButton konferencijskom platformom koja je integrirana u BISER i putem koje se odvija veliki dio nastave.

Danas BISER broji oko 3000 korisnika i svakodnevno se sa BigBlueButton servisima koristi u realizaciji nastavnih i ispitnih aktivnosti.

Pored organizovanja nastavnonaučnog procesa u online okruženju Stručne službe, Dekanat i Biblioteka Fakulteta su prešle na online način rada kako je to regulisano naredbama i preporukama Kriznog štaba u uslovima pandemije COVID-19.

Vijeće Fakulteta donijelo je odluke u skladu sa Zakonom o visokom obrazovanju Kantona Sarajevo („Službene novine Kantona Sarajevo“, broj: 17/33.), te izvršilo evaluaciju važećih nastavnih planova i programa i usvojilo izmjene i dopune istih i u skladu sa tim sačinio ekvivalenciju izvršenih izbora akademskog osoblja, kao i pojedinačne odluke i zajedničku ODLUKU O LISTI NAUČNIH PODRUČJA (OBLASTI), NAUČNIH POLJA UNUTAR NAUČNIH PODRUČJA, NAUČNIH GRANA UNUTAR NAUČNIH POLJA, TE MATIČNIH PREDMETA UNUTAR NAUČNIH GRANA FILOZOFSKOG FAKULTETA UNIVERZITETA U SARAJEVU, u skladu s izmjenama i dopunama nastavnih planova i programa, kako slijedi:

ODSJEK ZA ANGLISTIKU, ODSJEK ZA BOSANSKI, HRVATSKI I SRPSKI JEZIK, ODSJEK ZA FILOZOFIJU, ODSJEK ZA GERMANISTIKU, ODSJEK ZA HISTORIJU, KATEDRA ZA ARHEOLOGIJU, KATEDRA ZA HISTORIJU UMJETNOSTI, ODSJEK ZA KNJIŽEVNOSTI NARODA BOSNE I HERCEGOVINE, ODSJEK ZA KOMPARATIVNU KNJIŽEVNOST

INFORMACIJSKE NAUKE, ODSJEK ZA ORIJENTALNU FILOLOGIJU, ODSJEK ZA PEDAGOGIJU; I STUDIJSKI PROGRAM Specijalna pedagogija, ODSJEK ZA PSIHOLOGIJU, ODSJEK ZA ROMANISTIKU, ODSJEK ZA SLAVENSKE JEZIKE I KNJIŽEVNOSTI, ODSJEK ZA SOCIOLOGIJU I STUDIJSKI PROGRAM *Etnologija i sociologija*.

Treba istaći da je u skladu sa Uputstvom Ministarstva za obrazovanje, nauku i mlade Kantona Sarajevo, uvedena psihološko-pedagoška i metodičko-didaktička grupa predmeta (PPDM), na sva nastavnička studijska usmjerenja, te razriješeno pitanje obavljanja hospitovanja i stručne prakse u nastavnim bazama Fakulteta u skladu sa potpisanim Memorandumom.

Do primjene Memoranduma u uslovima pandemije COVID-19 nije došlo u potpunosti, jer su i srednje i osnovne škole, kao druge institucije u kojima se odvija hospitovanje i stručna praksa prešli na *online* sistem rada, pa se studentima omogućilo da pred predmetnim nastavnicima održe predavanja i vježbe vezane za hospitovanje i stručnu praksu, a tamo gdje su to uslovi dozvoljavali održano je hospitovanje i *online* praksa i u osnovnim i srednjim školama i drugim institucijama.

Procesi vezani za upis studenata u st. 2020/2021. godini, provedeni su *online* prijavama studenata. Cijeneći okolnost da je prvi put uvedeno *online* prijavljivanje studenata i u uslovima pandemije COVID-19, Fakultet je ocjenio da se ovom pitanju za narednu studijsku godinu mora posvetiti velika pažnja, posebno zbog činjenice da Fakultet vodi upisnu politiku, a da je UTIC servis Fakulteta, koji mora uvažiti specifičnosti Fakulteta zbog mogućnosti studiranja na jednopredmetnom i dvopredmetnom studiju, jer je ne prepoznavanje studiranja na ovaj način ipak umanjilo šanse Fakulteta da upiše veći broj studenata.

Fakultet je u skladu sa nalogima Univerziteta u Sarajevu organizovao promociju studenata I, II i III ciklusa studija. Također je vođen postupak za sticanje naučnog zvanja magistra i doktora nauka prema ranijem režimu studiranja.

Fakultet je završio evaluaciju rada nastavnika i saradnika od strane studenata (u ljetnjem semestru st. 2019/2020.) i u toku je priprema za evaluaciju rada nastavnika i saradnika od strane studenata za zimski semestar st. 2020/2021.).

Tokom 2019. i 2020. godine reorganizirana je web prezentacija Fakulteta kojom prilikom su postavljeni i nedostajući sadržaji o nastavnom osoblju, studijskim programima odsjeka i katedri na kojima se izvodi nastavnonaučni proces na I. i II. te III. ciklusu studija itd. Redizajniran je i Vodič za buduće studente i studentice, usto, izrađeni su promo video

zapisi o Filozofskom fakultetu. Najznačajnije informacije o nastavnom procesu na Fakultetu prevedene su i na engleski jezik.

U 2020. godini Biblioteka je uspješno implementirala uslugu online chat-a, online upis u Biblioteku i uspostavila fb grupu Biblioteka FFUNSA.

Vijeće Fakulteta usvojilo je Registar relevantnih baza koji je upućen u daljnju proceduru Senatu Univerziteta.

Cijeneći okolnost da se nastava održava *online* raspored nastave za sve studijske programe sačinjen je sa rasporedom učionica i online podrške s obzirom da se nije znalo do kada će mjere vezane za pandemiju biti na snazi.

Završen je postupak vezan za primjenu novousvojenih Nastavnih planova i programa čija je realizacija počela u 2019/20. godini oko ekvivalencije predmeta položenih po ranijim nastavnim planovima i programima.

Završen je postupak za izmjenu naziva studijskog programa bibliotekarstva, a u toku je osnivanje, odnosno, prerastanje Katedre za arheologiju u Odsjek za arheologiju (materijal je upućen Ministarstvu za obrazovanje, nauku i mlade Kantona Sarajevo i čeka se saglasnost).

U cilju pripreme sjednica Vijeća Fakulteta odsjeci/katedre održali su 25 redovnih sjednica, 218 elektronskih sjednica; 2 vanredne sjednice UKUPNO: 245.

Vijeće Filozofskog fakulteta Univerziteta u Sarajevu u toku 2020. godine održalo je 2 REDOVNE SJEDNICA I 18 ELEKTRONSKIH SJEDNICA-UKUPNO: 20. Održane su redovne sjednice Stručnog kolegija i Kriznog štaba Fakulteta. Za sve sjednice Vijeća Fakulteta sačinjena su mišljenja sekretara (pojedinačna i grupna) po tačkama dnevnog reda. Stručna mišljenja sekretara Fakulteta data su i za poslove vezane za Računovodstvo, Pravnu službu, Biblioteku i Tehničku službu, kao i posebno za Studentsku službu. Obrađene su i razrješene sve studentske molbe upućene Dekanu i Odsjecima/Katedrama Fakulteta.

Broj studijskih programa na kojim se izvodi nastavnonaučni proces je dat je u tabeli u prilogu.

Broj upisanih studenata na I i II ciklusu studija dat je u prilogu.

U sklopu redovnih aktivnosti provedeni su svi postupci vezani za napredovanje i izbor akademskog osoblja. Problem koji je evidentan u ovom izvještajnom periodu je nemogućnost prijema akademskog i administrativnog stručnog osoblja na upražnjene pozicije što dovodi u pitanje odvijanje nastavnonaučnog i ostalih procesa na fakultetu.

Posebno je potrebno napomenuti da nadležno ministarstvo i Kanton Sarajevo ne obezbjeđuju Fakultetu potrebna sredstva predviđena Kolektivnim ugovorom za odvijanje nastavnonaučnog procesa.

Nastavnonaučni proces na III ciklusu studija odvija se na odobrenim linijama doktorskog studija. Nastavnonaučni proces se odvijao online/konsultacije. Vijeća doktorskog studija koja su organizovana za svaki doktorski studij posebno, održali su redovne sjednice *online*, te razriješili sva pitanja vezana za nastavnonaučni proces na doktorskom studiju, a zajedničko Vijeće doktorskog studija ((konstituisano u 2019. godini), prema Pravilima studiranja iz 2018. godine) pratilo je procese vezane za odvijanje nastavnonaučnog procesa na pojedinim vijećima doktorskog studija.

Završeni su započeti postupci vezani za uvođenje Doktorskog studija *arheologije*, te raspisani konkursi za već otvorene doktorske studije za st. 20/21. U toku je postupak za otvaranje Doktorskog studija iz *informatičkih nauka*.

2019. i 2020. godinu karakteriše prelazak na trezor koji je obezbijedio finansijsko poslovanje u okviru budžeta, odnosno integracije Univerziteta u Sarajevu u skladu sa Zakonom. Integracijske procese nije pratila i pravna integracija, pa je zbog toga došlo do puno nejasnoća u pogledu primjene važećih i novousvojenih akata s aspekta početka primjene i prestanka važnosti istih.

Fakultet je obezbijedio provođenje javne rasprave za sva akta koja donosi Univerzitet odnosno fakultet te posebno u dva navrata proveo postupak za donošenje Pravilnika o organizaciji i sistematizaciji radnih mjesta na Fiozofskom fakultetu Univerziteta u Sarajevu.

Iako je nivo planiranih sredstva za 2019. godinu rađen u skladu sa nalogima Ministarstva za obrazovanje, fakultet je ostao uskraćen za 1.800.000 KM koji se iznos smanjio za 300.000 KM nakon usvajanja rebalansa budžeta, tako da i dalje potreba fakulteta za navedenim sredstvima stoji.

Univerzitet je obezbijedio ostanak u radnom odnosu saradničkog kadra primljenog po programu 150+, što je u značajnoj mjeri pomoglo u obezbjeđenju neophodnog kadra na Fakultetu. Nije razriješeno pitanje angažovanja nastavnika i saradnika kroz dopunski radni odnos niti plaćanje istih.

Fakultet je proveo sve procese vezane za usvajanje finansijskih planova, planova javnih nabavki, DOB-a, te periodičnih i završnih obračuna. Fakultet je primijenio odredbe Kolektivnog ugovora i Standarde i Normative na način kako je to traženo, ali ostalo je neriješeno puno pitanja, te je Vijeće fakulteta dostavilo prijedlog za usvajanje i dopune tih akata.

Zahtjeve prema Univerzitetu u Sarajevu, Ministarstvu za obrazovanje, nauku i mlade Kantona Sarajevo i Ministarstvu finansija Kantona Sarajevo, te Sindikatu Univerzitetu u Sarajevu, Fakultet kontinuirano upućuje s ciljem obezbjeđenja neophodnih sredstava za rad Fakulteta, kao i obezbjeđenja materijalne osnove rada, jer u uslovima koji ne garantuju sredstva predviđena Kolektivnim ugovorom Fakultet neće biti u mogućnosti obezbijediti izvršenje svih procesa kao i obaveza koje određuje Univerzitet u Sarajevu i Ministarstvo za obrazovanje, nauku i mlade Kantona Sarajevo.

Fakultet je iz vlastitih sredstava obezbijedio nabavku učioničke opreme i računarske opreme, tako da je uspio da zamijeni sav namještaj koji je bio u upotrebi 70 godina.

Kroz različite projekte vezane za konkurse Ministarstva obrazovanja, Fakultet je obezbijedio sredstva za opremu za biblioteku, sredstva za opremanje psihološkog laboratorija, donacijom Vlade Japana opremanje prostora u čitaonici fakulteta, te donacijom Kraljevine Saudijske Arabije rekonstrukciju i opremanje učionice za fonetski laboratorij.

Nakon petnaestogodišnjih zahtjeva upućenih Ministarstvu obrazovanja i nauke Kantona i Federacije, Zavodu za izgradnju grada, USAID-u, ... Fakultet je obaviješten da je uvršten na listu za utopljanje objekta kroz zamjenu vanjske stolarije što će u značajnoj mjeri pomoći obezbjeđenjem uslova za odvijanje nastavnonaučnog i ostalih procesa na fakultetu. Fakultet je pripremio svu raspoloživu dokumentaciju te stavio na uvid predstavnicima Ministarstva za obrazovanje, nauku i mlade Kantona Sarajevo, koji su snimili stanje u objektu.

Fakultet je iz vlastitih sredstava obezbijedio i rekonstrukciju i opremanje jednog dijela prostorija u prizemlju fakulteta za potrebe biblioteke, smještaj, novonabavljene telefonske centrale i server sobe, te prostorije za smještaj arhivske građe po nalogu inspekcijskih organa.

Na Filozofskom fakultetu u 2020. godini Inspekcija za visoko obrazovanje izvršila je značajan broj pregleda.



Po nalogu Univerziteta u Sarajevu ponovo je aktivirana e-HR aplikacija o zaposlenicima Univerziteta, te se u periodu od septembra 2019. godine aktivno radilo na unosu, obradi i ažuriranju podataka za akademsko i administrativno osoblje Filozofskog fakulteta Univerziteta u Sarajevu, a sve u skladu sa odlukama Senata Univerziteta u Sarajevu, te se i dalje radi na ažuriranju aplikacije.

Fakultet je postupao po zahtjevu Ureda za borbu protiv korupcije Kantona Sarajevo i kontinuirano radi na unosu traženih podataka.

Odbor za osiguranje kvaliteta na Filozofskom fakultetu Univerziteta u Sarajevu u 2020. godini obavljao je sve poslove iz svoje nadležnosti.

Tokom 2020. godine Filozofski fakultet je nastavio realizaciju ranije započetih razvojnih i naučnoistraživačkih projekata.

Tokom 2020. godine, uprkos uvjetima pandemije COVID-19, u okviru aktivnosti međunarodne akademske saradnje, naučnoistraživačkog rada i izdavaštva realizirane su brojne aktivnosti kojim se pokazuje opredijeljenost nastavnika, saradnika i osoblja Filozofskog fakulteta za dalji razvoj i unaprjeđenje navedenih oblasti. Na nivou Fakulteta aktivno je 18 Erasmus sporazuma o međunarodnoj mobilnosti nastavnika, saradnika, studenata i osoblja, četiri CEEPUS mreže mobilnosti, nastavnici i saradnici su učestvovali u 27 programa domaćeg ili međunarodnog karaktera (konferencija, okrugli sto, kongres, tribina, simpozij, seminar, sajam, informativni dan, promocija, radni sastanci i posjete, radionice, trening i sl), realizirano je pet programa cjeloživotnog učenja, okončano više naučnoistraživačkih i istraživačkorazvojnih projekata u okviru Centra NIRSA, ali i projekata finansiranih od institucija Kantona Sarajevo i/ili Federacije Bosne i Hercegovine. Izdvaja se okončanje projekata "Izvori za historiju srednjovjekovne Bosne (Diversa Notariae Dubrovačkog arhiva)" i „Najstarija baština Sarajeva: Naučno-istraživački rad u svrhu razvoja turizma“. Zbog pandemije COVID-19 dio projektnih aktivnosti je prolongiran za 2021. godinu i sjecanje uvjeta za normalno okončanje projektnih ciljeva.

U izdavaštvu, Filozofski fakultet je nastavio sa projektima objavljivanja e-izdanja i štampanih izdanja. Ukupno je tokom 2020. godine Fakultet objavio devet (9) monografskih e-publikacija, dvije (2) štampane monografske publikacije, tri (3) serijske e-publikacije, tri (3) štampane serijske publikacije. Objavljeni su *Radovi Filozofskog fakulteta* (knjiga XXIII), *Radovi Filozofskog fakulteta (Historija, Historija*

*umjetnosti, Arheologija*), knjiga 7, zatim posebno izdanje na engleskom jeziku *Journal of the Faculty of Philosophy in Sarajevo (History, History of Arts, Archaeology) Reflections on Life and Society in the Western Balkans: Studies in the History of Bosnia and Herzegovina, 7/2*, jedan priručnik-vodič *Sve što trebate znati o najstarijoj baštini Sarajeva / Everything You Need to Know About the Oldest Heritage of Sarajevo*.

U Centru NIRSA osnovan je i započeo sa radom Centar za mirovno obrazovanje – Peace Education Hub, okončane su formalne osnivačke procedure za funkcionisanje Centra za iranistička istraživanja – podružnice Iranskog društva za izučavanje perzijskog jezika i književnosti, izvršene su izmjene na mjestima voditelja centara i/ili instituta pri Centru NIRSA u skladu sa promjenama na mjestima voditelja podorganizacionih jedinica Fakulteta. Centar NIRSA sa svojim centrima i institutima realizirao sadržaje navedene u prilogu ovom izvještaju (naučnoistraživački i istraživačkorazvojni projekti, projekti naučnoistraživačkog rada i izdavaštva, programi cjeloživotnog učenja).

U toku 2020. godine proveden je postupak za angažiranje lektora – stranih državljana neophodnih u nastavi stranog jezika. Dekanat Fakulteta imao je susrete sa akreditovanim ambasadorima: Japana, Kine, Češke, Poljske, Rusije, Italije, Francuske, Sjeverne Makedonije, Saudijske Arabije, Irana i Sjedinjenih Američkih Dražava, što je rezultiralo obezbjeđenjem sredstava za adaptaciju prostora Fakulteta, odnosno, obezbjeđenje uslova za angažman lektora, bilo da se radi o angažiranju preko ambasada po osnovu sporazuma, odnosno, zasnivanju radnog odnosa u skladu sa Zakonom o kretanju i boravku stranaca.


Biblioteka FFUNSA je u 2020. godini nastavila s unapređivanjem procesa rada i usluga za korisnike. U skladu sa Zakonom o bibliotečkoj djelatnosti (Službene novine Kantona Sarajevo 4/99, čl. 13) provedene su četiri revizije fondova (Odsjek za komparativnu književnost i informacijske nauke, Odsjek za slavenske jezike i književnosti, Odsjek za romanistiku i Odsjek za bosanski, hrvatski i srpski jezik) u sistemu COBISS. Biblioteka je ponovo bila jedina visokoškolska biblioteka u BiH koja je izvršila reviziju fondova u COBISS sistemu. Tokom 2020. godine, uloženi su dodatni napor na ažuriranju personalnih bibliografija nastavnog osoblja. U 2020. godini Biblioteka je uspješno implementirala uslugu online chat-a, online upis u Biblioteku i uspostavila fb grupu Biblioteka FFUNSA. Intenzivirana je saradnja s drugim i sličnim institucijama po pitanju razmjene i poklona za fondove, pa je tako tokom 2020. godine kroz razmjenu i poklon ostvaren priliv od 1.112 primjerka monografskih publikacija, a kupovinom 424 primjerka.

Biblioteka je tokom godine organizirala različite edukativne događaje: obilježila Nacionalni dan svjesnosti o bibliotekama i bila koordinator Nacionalnog dana svjesnosti o bibliotekama u BiH, online susret Vrednovanje naučnog rada: o indeksiranju, citatima, bazama podataka, itd. U saradnji sa Službom za izdavačku djelatnost, Biblioteka je koordinirala aktivnosti na indeksiranju časopisa Fakulteta te radila na uspostavljanju online izdanja časopisa na OJS (Open Journal System) platformi. U saradnji s Katedrom za informacijske nauke Biblioteka je učestvovala u izvođenju praktične nastave za studente putem platforme Biser i realizirala druge projekte. Tokom 2020. godine Biblioteka je izradila projekat Adaptacije čitaonice. U vrijeme trajanja pandemije Biblioteka je organizirala rad koristeći UNSA Smjernice za nastavak rada – COVID.

2020. godinu obilježilo je prisustvo pandemije COVID-19 koji je promjenio procese rada na Fakultetu. Bez obzira na navedenu činjenicu Fakultet je organizovanjem *online* rada prema naredbama Kriznog štaba i Univerziteta u Sarajevu, organizovao nastavnoučni proces i u potpunosti završio st. 2019/2020. i pripremio studijsku 2020/2021. godinu, te realizirao zimski semestar iste godine. Vlastitim sredstvima Fakultet je nabavio sva potrebna sredstva za dezinfekciju, te omogućio korištenje prostora Fakulteta u datim okolnostima.

Uspješno je izvršen upis studenata na I., II i III. ciklus stduja, te oragnizovani svi prateći događaji vezani za odvijanje nastanonaučnog procesa i stručne aktivnosti Fakulteta.

U dosadašnjem toku pandemije, nažalost, izvjestan broj uposlenika i studenata Filozofskog fakulteta bio je zaražen virusom COVID-19 i uspješno se oporavio.



UNIVERZITET U SARAJEVU  
FILOZOFSKI FAKULTET  
Broj: 03-02/51  
Sarajevo, 18. 1. 2021. godine.

**VIJEĆU FAKULTETA  
OVDJE**

Na osnovu člana 126. Zakona o visokom obrazovanju („Službene novine Kantona Sarajevo“, broj: 33/17.), člana 123. stav (1) Statuta Univerziteta u Sarajevu, broj: 01-1093-3-1/18 od 28. 11. 2018. godine i Instrukcije generalnog sekretara Univerziteta u Sarajevu o obaveznom sadržaju stručnog mišljenja sekretara OJ, broj: 0105-684/18 od 5. 2. 2018. godine, sekretar Filozofskog fakulteta Univerziteta u Sarajevu daje sljedeće

**MIŠLJENJE  
za 38. e-sjednicu Vijeća Fakulteta zakazanu za 22. 1. 2021. godine**

**TAČKA: GODIŠNJI IZVJEŠTAJ O RADU FILOZOFSKOG FAKULTETA UNIVERZITETA U SARAJEVU ZA 2020. GODINU**

**Obrazloženje**

Vijeće Filozofskog fakulteta Univerziteta u Sarajevu u skladu sa članom 135. tačka t) razmatra izvještaj o radu sa finansijskim poslovanjem organizacione jedinice, a dekan Fakulteta, u skladu sa članom 136. tačka 10) je obavezan da podnese izvještaj o radu sa izvještajem o finansijskom poslovanju organizacione jedinice za prethodnu godinu.

Slijedeći upute Univerziteta u Sarajevu Fakultet je sačinio prijedlog Izvještaja o radu koji sadrži elemente i informacije o poslovima koji su urađeni u prethodnoj godini, kao i drugim važnim činjenicama i informacijama iz oblasti nastavnonaučnog, naučnoistraživačkog i stručnog rada, na obrascima dostavljenim od strane Univerziteta u Sarajevu.

Predloženi Izvještaj o radu nakon usvajanja dostavit će se Univerzitetu u Sarajevu, a finansijski izvještaj nakon usvajanja istog u rokovima utvrđenim u zakonu.

Sastavni dio mišljenja je prijedlog odluke.

SEKRETAR FAKULTETA

  
Azra Kreso, dipl. iur.

ODOBRILI  
PRODEKAN ZA NASTAVU I STUDENTSKA PITANJA FAKULTETA

  
Prof. dr. Jadranka Kolenović-Đapo

PRODEKAN ZA FINANSIJSKO-ORGANIZACIJSKE POSLOVE FAKULTETA

PRODEKAN ZA NAUČNOISTRAŽIVAČKI RAD, MEĐUNARODNU AKADEMSKU SARADNJU I IZDAVAŠTVO FAKULTETA

  
Doc. dr. Amir Duranović

DEKAN FAKULTETA

  
Prof. dr. Muhamed Dželilović

DOSTAVITI

1. Senatu Univerziteta u Sarajevu
2. Dekanu Fakulteta
3. Vijeću Fakulteta
4. Prodekanima x3
5. Službi za nastavu
6. Arhiva

UNIVERZITET U SARAJEVU  
**FILOZOFSKI FAKULTET**  
Vijeće Fakulteta  
Broj: 02-01/38  
Sarajevo, 22. 1. 2021. godine.

Na osnovu člana 135. Zakona o visokom obrazovanju ("Službene novine Kantona Sarajevo", broj: 33/17.), člana 104. Statuta Univerziteta u Sarajevu, prijedloga **ODSJEKA ZA PEDAGOGIJU**, broj: 02-10/3 od 18. 1. 2021. godine, mišljenja sekretara Fakulteta, broj: 03-02/52 od 18. 1. 2021. godine, Vijeće Filozofskog fakulteta Univerziteta u Sarajevu na 38. elektronskoj sjednici održanoj 22. 1. 2021. godine, *donijelo je*

## ODLUKU

### I

**Usvajaju se izmjene i dopune PLANA REALIZACIJE NASTAVE (OPTEREĆENJA AKADEMSKOG OSOBLJA U NASTAVNO-NAUČNOM PROCESU) FILOZOFSKOG FAKULTETA UNIVERZITETA U SARAJEVU ZA STUDIJSKU 2020/2021. GODINU:**

- **ODSJEKA ZAPEDAGOGIJU.**

### II

**PLAN REALIZACIJE NASTAVE/OPTEREĆENJA ZA STUDIJSKU 2020/2021. GODINU**, sa izmjenama i dopunama iz stava I. odluke, urađeni su u skladu sa važećim izborima i ekvivalencijama izbora, listom izbornih predmeta (unutarnja i vanjska) za studijsku 2020/2021. godinu, prijedlozima odsjeka/katedri o načinu realizacije nastavno-naučnog procesa, a prema važećim Nastavnim planovima i programima.

#### *Obrazloženje*

**Izmjene i dopune Plana realizacije nastave/opterećenja akademskog osoblja u nastavno-naučnom procesu/Filozofskog fakulteta Univerziteta u Sarajevu za studijsku 2020/2021. godinu**, sačinjene su u skladu sa važećim izborima i ekvivalencijama izbora, listom izbornih predmeta (unutarnja i vanjska lista) za studijsku 2020/2021. godinu, po prijedlogu Odsjeka za **pedagogiju** o načinu realizacije nastavno-naučnog procesa, a prema važećim nastavnim planovima i programima.


Na **ODSJEKU ZA PEDAGOGIJU** izmjene Plana realizacije nastave/opterećenja akademskog osoblja u nastavno-naučnom procesu/Filozofskog fakulteta Univerziteta u Sarajevu za studijsku 2020/2021. godinu, sačinjene su za:

**prof. dr. Snježanu Šušnjara, prof. dr. Mirjanu Mavrak, prof. dr. Amira Pušinu, prof. dr. Lejlu Kafedžić, doc. dr. Sandru Bjelan-Guska, Aminu Smajović, MA i Belmu Alić Ramić, MA**, sačinjena je zbog korištenja prava na plaćeno odsustvo više asistentice Amine Isanović Hadžiomerović, MA u svrhu završetka doktorske disertacije u periodu od 25. 1. 2021. do 02. 07. 2021. godine (Zahtjev za plaćeno odsustvo usvojen na 7. e-sjednici Odsjeka održanoj 5. 1. 2021. godine), kao i zbog korištenja prava na godišnji odmor/trudničko/porodiljno odsustvo više asistentice Edine Nikšić Rebihić, MA, počev od 6.1.2021. godine; **doc. dr. Lejlu Osmić, Aminu Isanović Hadžiomerović, MA, Edinu Nikšić Rebihić, MA, Melihu Suljagić, MA i Belmu Alić Ramić, MA**, zbog brisanja predmeta iz plana nastave na Studijskom programu Specijalna pedagogija (I. godina II. ciklusa studija), jer prema podacima iz Studentske službe nema upisanih studenata; **Melihu Suljagić, MA i Aminu Smajović, MA** zbog rotiranja izvođenja vježbi iz predmeta Pedagogija na Odsjeku za psihologiju, a u skladu sa zaključkom online sastanka Vijeća Odsjeka od 15. 1. 2021. godine; **Aminu Smajović, MA** zbog dodavanja sati vježbi iz predmeta Intraobiteljska dinamika na Studijskom programu Specijalna pedagogija (II. godina I. ciklusa studija).  
Imajući u vidu naprijed navedeno trebalo je donijeti odluku kao u dispozitivu.

DEKAN FAKULTETA

Prof. dr. Muhamed Dželilović

DOSTAVITI:

1. **Odsjeku za PEDAGOGIJU**
  2. Prodekanu za nastavu i studentska pitanja
  3. Sekretaru Fakulteta
  4. Službama Fakulteta
  5. Uz zapisnik
-  Arhiva

VIJEĆU FAKULTETA  
OVDJE

Na osnovu člana 126. Zakona o visokom obrazovanju („Službene novine Kantona Sarajevo“, broj: 33/17.) i Instrukcije generalnog sekretara Univerziteta u Sarajevu o obaveznom sadržaju stručnog mišljenja sekretara 0], broj: 0105-684/18 od 5. 2. 2018. godine, sekretar Filozofskog fakulteta Univerziteta u Sarajevu daje sljedeće

MIŠLJENJE  
za 38. e-sjednicu Vijeća Fakulteta zakazanu za 22. 1. 2021. godine

TAČKA: IZMJENE I DOPUNE PLANA NASTAVE ZA STUDIJSKU 2020/2021. GODINU:

• ODSJEKA ZA PEDAGOGIJU

*Obrazloženje*

Izmjene i dopune Plana realizacije nastave/opterećenja akademskog osoblja u nastavno-naučnom procesu/Filozofskog fakulteta Univerziteta u Sarajevu za studijsku 2020/2021. godinu, sačinjene su u skladu sa važećim izborima i ekvivalencijama izbora, listom izbornih predmeta (unutarnja i vanjska lista) za studijsku 2020/2021. godinu, po prijedlogu Odsjeka za **pedagogiju** o načinu realizacije nastavno-naučnog procesa, a prema važećim nastavnim planovima i programima.

Na **ODSJEKU ZA PEDAGOGIJU** izmjene Plana realizacije nastave/opterećenja akademskog osoblja u nastavno-naučnom procesu/Filozofskog fakulteta Univerziteta u Sarajevu za studijsku 2020/2021. godinu, sačinjene su za:

- **prof. dr. Snježanu Šušnjara, prof. dr. Mirjanu Mavrak, prof. dr. Amira Pušinu, prof. dr. Lejlu Kafedžić, doc. dr. Sandru Bjelan-Guska, Aminu Smajović, MA i Belmu Alić Ramić, MA**, sačinjena je zbog korištenja prava na plaćeno odsustvo više asistentice Amine Isanović Hadžiomerović, MA u svrhu završetka doktorske disertacije u periodu od 25. 1. 2021. do 02. 07. 2021. godine (Zahtjev za plaćeno odsustvo usvojen na 7. e-sjednici Odsjeka održanoj 5. 1. 2021. godine), kao i zbog korištenja prava na godišnji odmor/trudničko/porodiljno odsustvo više asistentice Edine Nikšić Rebihić, MA, počev od 6.1.2021. godine;
  - **doc. dr. Lejlu Osmić, Aminu Isanović Hadžiomerović, MA, Edinu Nikšić Rebihić, MA, Melihu Suljagić, MA i Belmu Alić Ramić, MA**, zbog brisanja predmeta iz plana nastave na Studijskom programu Specijalna pedagogija (I. godina II. ciklusa studija), jer prema podacima iz Studentske službe nema upisanih studenata;
  - **Melihu Suljagić, MA i Aminu Smajović, MA** zbog rotiranja izvođenja vježbi iz predmeta Pedagogija na Odsjeku za psihologiju, a u skladu sa zaključkom online sastanka Vijeća Odsjeka od 15. 1. 2021. godine;
  - **Aminu Smajović, MA** zbog dodavanja sati vježbi iz predmeta Intraobiteljska dinamika na Studijskom programu Specijalna pedagogija (II. godina I. ciklusa studija).
- Sastavni dio ovog mišljenja je Prijedlog odluke.

AKT SAČINILI  
SLUŽBA ZA NASTAVU

Taida Suljić, stručni saradnik

Alma Ahmetpahić, šef Službe

SEKRETAR FAKULTETA

Azra Kreso, dipl. iur.

ODOBRILI  
PRODEKAN ZA NASTAVU I STUDENTSKA PITANJA FAKULTETA

Prof. dr. Jadranka Kolenović-Dapo

PRODEKAN ZA FINANSIJSKO-ORGANIZACIJSKE POSLOVE FAKULTETA

PRODEKAN ZA NAUČNOISTRAŽIVAČKI RAD, MEĐUNARODNU AKADEMSKU SARADNJU I IZDAVAŠTVO FAKULTETA

Doc. dr. Amir Duranović

DOSTAVITI

1. Dekanu Fakulteta
2. Vijeću Fakulteta
3. Prodekanima x3
4. Službi za nastavu
5. Arhiva

Na osnovu člana 116. stav (4) i (5) i člana 135. Zakona o visokom obrazovanju ("Službene novine Kantona Sarajevo", broj: 33/17.), člana 104. i 226. Statuta Univerziteta u Sarajevu, molbe Amine Isanović Hadžomerović, MA i prijedloga podorganizacione jedinice - Odsjeka za **PEDAGOGIJU**, broj: 02-10/2 od 6. 1. 2021. godine, mišljenja sekretara Fakulteta, broj: 03-02/53 od 18. 1. 2021. godine, Vijeće Fakulteta na 38. elektronskoj sjednici održanoj 22. 1. 2021. godine, *donijelo je*

### ODLUKU

#### I

Odobrava se zahtjev za plaćeno odsustvo **Amine Isanović Hadžomerović, MA**, višeg asistenta na Odsjeku za pedagogiju Filozofskog fakulteta Univerziteta u Sarajevu, u periodu **od 25. 1. 2021. do 2. 7. 2021. godine**, radi završetka doktorske disertacije.

#### II

U skladu sa članom 116. stav 5. Zakona o visokom obrazovanju („Službene novine Kantona Sarajevo“ broj: 33/17.) za vrijeme odsustva imenovane iz stava I. ove odluke nastava/vježbe će se kontinuirano odvijati adekvatnom zamjenom, kako slijedi:

Nastava se izvodi istovremeno. Doc. dr. Sandra Bjelan-Guska izvodi vježbe do povratka Amine Isanović Hadžomerović sa plaćenog odsustva.		IP Odgoj nadarenih	FIL PED 163	2. I. ciklus studija		1	15			
	Studijski program <b>Specijalna pedagogija</b>	IP Odgoj nadarenih	FIL PED 163	2. I. ciklus studija		1				
Nastava se izvodi istovremeno. Prof. dr. Mirjana Mavrak izvodi vježbe do povratka Amine Isanović Hadžomerović sa plaćenog odsustva.	Studijski program <b>Pedagogija</b>	Obrazovanje odraslih	FIL PED 276	4. I. ciklus studija		2x2	60			
	Studijski program <b>Specijalna pedagogija</b>	Obrazovanje odraslih	FIL PED 276	4. I. ciklus studija		1				
Nastava se izvodi istovremeno. Prof. dr. Mirjana Mavrak izvodi vježbe do povratka Amine Isanović Hadžomerović sa plaćenog odsustva.	Studijski program <b>Pedagogija</b>	Obrazovanje odraslih	FIL PED 337	6. I. ciklus studija		1	15			
	Studijski program <b>Specijalna pedagogija</b>	Obrazovanje odraslih	FIL PED 337	6. I. ciklus studija		1				
Prof. dr. Mirjana Mavrak izvodi 2 sata seminara do povratka Amine Isanović Hadžomerović sa plaćenog odsustva.		<b>Seminar izvodi pod nadzorom prof. dr. Mirjane Mavrak na Odsjeku za anglistiku</b>	Komunikacija u nastavi	FIL PED 404	2. II. ciklus studija	2	30			
Prof. dr. Amir Pušina izvodi vježbe do povratka Amine Isanović Hadžomerović sa plaćenog odsustva.		Profesionalna orijentacija	FIL PED 432	2. II. ciklus studija		2	30			
Prof. dr. Lejla Kafedžić izvodi vježbe do povratka Amine Isanović Hadžomerović sa plaćenog odsustva.		Specifičnosti istraživanja odgojno-obrazovnog rada s nadarenim učenicima	FIL PED 593	4. II. ciklus studija		2	30			
	Studijski program <b>Specijalna pedagogija</b>	Zapošljavanje osoba sa invaliditetom	FIL PED 451	2. II. ciklus studija		1	15			
<b>LJETNI SEMESTAR</b>						<b>12</b>	<b>180</b>			

*Obrazloženje*

Odsjek za pedagogiju dostavio je prijedlog, broj: 02-10/2 od 6. 1. 2021. godine, za odobrenje plaćenog odsustva Amini Isanović Hadžiomerović, MA, višem asistentu na Odsjeku za pedagogiju Filozofskog fakulteta Univerziteta u Sarajevu, u periodu od 25. 1. 2021. do 2. 7. 2021. godine, radi završetka doktorske disertacije.

Cijeneći sve naprijed navedeno Vijeće Fakulteta donijelo je odluku kao u dispozitivu.

DEKAN FAKULTETA

Prof. dr. Muhamed Dželić

DOSTAVITI:

1. Imenovanj
2. Odsjeku za pedagogiju
3. Dekanu Fakulteta
4. Prodekanima Fakulteta x3
5. Sekretaru Fakulteta
6. Službi za nastavu
7. Pravnoj službi
8. Uz zapisnik
9. Arhiva



Na osnovu člana 126. Zakona o visokom obrazovanju („Službene novine Kantona Sarajevo“, broj: 33/17.), člana 123. stav (1) Statuta Univerziteta u Sarajevu, broj: 01-1093-3-1/18 od 28. 11. 2018. godine i Instrukcije generalnog sekretara Univerziteta u Sarajevu o obaveznom sadržaju stručnog mišljenja sekretara OJ, broj: 0105-684/18 od 5. 2. 2018. godine, sekretar Filozofskog fakulteta Univerziteta u Sarajevu daje sljedeće

**MIŠLJENJE**  
**za 38. e-sjednicu Vijeća Fakulteta zakazanu za 22. 1. 2021. godine**

**TAČKE: ODSUSTVO**

**ODSJEK ZA PEDAGOGIJU**

- Zahtjev za plaćeno odsustvo **Amine Isanović-Hadžiomerović, MA**, višeg asistenta na Odsjeku za pedagogiju Filozofskog fakulteta Univerziteta u Sarajevu, u periodu **od 25. 1. 2021. do 2. 7. 2021. godine**, radi završetka doktorske disertacije

**Obrazloženje**

Predloženi zahtjev za plaćeno odsustvo je u skladu sa propisanim procedurama, Statutom Univerziteta u Sarajevu, Zakonom o visokom obrazovanju („Službene novine Kantona Sarajevo“, broj: 33/17.) i Jedinstvenim pravilnikom o radu Univerziteta u Sarajevu, broj: 02-89/19 od 19. 9. 2019. godine.

Bitno je napomenuti da su precizirani termini kontinuiranog odvijanja nastave, te izvršavanje drugih nastavnih obaveza adekvatnim zamjenama odsutnog člana akademskog osoblja, odnosno, precizirani su nastavni predmeti koje će preuzeti akademsko osoblje za vrijeme odsustva imenovane od strane Odsjeka kroz izmjene i dopune Plana nastave Odsjeka za pedagogiju za ljetnji semestar studijske 2020/2021. godine.

Sastavni dio mišljenja je Prijedlog odluke po navedenoj tački.

AKT SAČINILI  
SLUŽBA ZA NASTAVU

Taida Suljkić, stručni saradnik

Alma Ahmetpahić, šef Službe za nastavu

SEKRETAR FAKULTETA

Azra Kreso

ODOBRILI:  
PRODEKAN ZA NASTAVU I STUDENTSKA PITANJA FAKULTETA

Prof. dr. Jadranka Kolenović-Đapo

PRODEKAN ZA FINANSIJSKO-ORGANIZACIJSKE POSLOVE FAKULTETA

PRODEKAN ZA NAUČNOISTRAŽIVAČKI RAD, MEĐUNARODNU AKADEMSKU SARADNJU I IZDAVAŠTVO FAKULTETA

Doc. dr. Amir Duranović

DOSTAVITI

1. Dekanu Fakulteta
2. Vijeću Fakulteta
3. Prodekanima x3
4. Službi za nastavu
5. Arhiva